



UNIVERSITÄTS-  
BIBLIOTHEK  
PADERBORN

**Tractatus De Executoribus Vltimarvm Volvntatum duorum  
celeberrimorum iurisconsultorum**

**Canis, Johannes Jacobus**

**Constantia, 1593**

**VD16 ZV 2896**

2. Legatorum piorum executioni sex menses dantur. limit. num. 3.

---

[urn:nbn:de:hbz:466:1-63406](https://nbn-resolving.org/urn:nbn:de:hbz:466:1-63406)



5. Magistratus, quomodo accipiatur in executione vltimarum voluntatum.
6. Tempus exequendi præscriptum, annale, vel semestrale, an cedat executori impedito ex iusta causa.
7. Executor designatus à testatore, si nolit executionem suscipere, an cogi possit. limit. num. 8.
9. Tempus exequendi testatoris voluntatem, cedit à die sententiæ & aditæ hæreditatis.

**I**llud † conuenit inter omnes, annum præscribi regulariter ad executionem legatorum: quod tempus cedit à die monitionis, quam vel magistratus civilis vel ecclesiasticus fecerit. Auten. Hoc amplius. C. de fideicommiss.

Piorum † verò legatorum executioni sex menses dantur, numerandi ab insinuatione testamenti. Nouell. de ecclesiast. tit. 5. si legatum.

Vtrunq; autem † accipiendum est. Primum, vbi nullum tempus à testatore fuerit expressum. Nam illud omnino seruari oportet, vt supra probauimus. Deinde de his executionibus, quæ in faciēdo consistūt, & tali tempore possunt expediri. Ceterum, si declarandi fortè arbitrij ratio tractetur, puta, testator reliquit pauperibus, quos Sempronius esset electurus: tunc elapso anno episcopus non potest arbitra-



ri, teste Bartolo in l. cum quidam. ff. de leg. 2. quem sequitur Panormitanus in c. nos quidem. de testa. Longa enim differentia est inter executionem, & declarationem arbitrij: sicut & inter iudicem pronuntiantem, & executores pronuntiatum.

4 Secundum, si res, † cuius executio mandata est, extet in bonis testatoris, certè nõ debet haeres sine legitima causa differre ultimam voluntatem. Nunquam enim indulgendum est damnosis dilationibus l. cum res l. domus §. in pecunia. ff. de leg. 1. l. si pecuniam. ff. de leg. 2. Quid ergo fiet? Ex bono & equo magistratus negotium perpendet: utrum de tota hereditatis executione, an de una aliqua vel altera re tradenda tractetur, perpensis personarum & bonorum circumstantijs.

5 Magistratum † autem intellige civilem, vel ecclesiasticum. Nam Panormitanus rectè notat, mixti esse huiusmodi iurisdictione fori: ut etiam iudex civilis ad executionem piarum causarum possit impartiri officium suum in c. si heredes. de re sta. per §. si quis adificationem. Nouell. de eccl. tit. Est ergo locus praeventioni.

Ter-